

**D. JOSE MARIA BAÑOS CAMPO, SECRETARIO DO EXCMO. CONCELLO DE MONFORTE DE LEMOS**

**CERTIFICO:**

Que a Xunta de Goberno Local, na súa sesión celebrada o día 29 de maio do 2017, adoptou entre outros o seguinte acordo:

**“6. CONTRATACIÓN E SERVIZOS.**

**A)CONTRATACIÓN.**

**A9. ADXUDICACIÓN DA CONTRATACIÓN DAS ACTUACIÓNS ESTELARES E PRODUCCIÓN DOS ARTISTAS/GRUPO MUSICAL “JUAN PERRO” E “CELTAS CORTOS”, NAS FESTAS PATRONAIS DE MONFORTE DE LEMOS OS DÍAS 15 E 16.8.2017 (EXP.019-SERVPN17).**

**FEITOS**

I. Por Acordo da Xunta de Goberno Local de 24.4.2017, se presto aprobación; ao prego de cláusulas económico-administrativas e técnicas particulares (PCAP); e ao expediente para a contratación do servizo de Organización das Actuacións Musicais (verbenas) das Festas Patronais do Concello de Monforte de Lemos para o ano 2017 (Exp.018-SERPN17) e dispúxose a apertura do procedemento de adxudicación que é o negociado sen publicidade; tramitación ordinaria e un único criterio de negociación; solicitándose convite á única empresa posible ao tramitarse o mesmo ao abeiro do artigo 170.d) do Rd. 3/2011, de 14 de novembro, polo que se aproba o Texto Refundido da Lei de Contratos do Sector Público. A citada aprobación leva aparellada a aprobación do gasto proposto e cuxa contía ascende o importe de 51.667,00 (IVE incluído).

II. Rematado o prazo de presentación de ofertas segundo o disposto na cláusula 10ª do PCAP, con data 8.5.2017 pola Comisión Negociadora procedeuse ao desenvolvemento do acto licitatorio resultando o seguinte, segundo consta na Acta do citado día incorporada ao expediente.-

“

<b>LICITADOR</b>	<b>PREZO TOTAL (con IVE)</b>	<b>PREZO ACTUACIÓN JUAN PERRO</b>	<b>PREZO ACTUACIÓN CELTAS CORTOS</b>
<b>MUSICSOFT, S.L.</b>	<b>51.667,00.-€</b>	<b>25.833,50.-€ (IVE incluído)</b>	<b>25.833,50.-€ (IVE incluído)</b>

*En atención ao contido da oferta a Comisión Negociadora, por unanimidade, atendendo a especificidade do procedemento no que solo cabe solicitar oferta a una única empresa e entendendo que o prezo ofertado se corresponde co caché do artista, estima innecesario solicitar unha reoferta ao licitador.*

*Consecuencia do exposto, os membros da Comisión Negociadora acordan, por unanimidade, propoñer como adxudicatario da presente contratación á empresa MUSICSOFT, S.L. por ser a súa oferta a economicamente máis vantaxosa das achegadas segundo os criterios de adxudicación recollidos no prego de cláusulas administrativas, todo elo, previo requirimento a través do Presidente, da documentación á que se refire a cláusula 11ª do amentado prego..."*

III. Transcorrido o prazo legalmente establecido dende a recepción do requirimento ao que se refire o art. 151.2 do TRLCSP en relación coa cláusula 18ª do PCAP constatouse que, a empresa MUSICSOFT, S.L constituíu a garantía definitiva e verificouse que se atopa ao corrente no cumprimento das súas obrigas tributarias e coa Seguridade Social e que cumpre cos requisitos de solvencia técnica e económica esixidos polo PCAP.

### **FUNDAMENTOS DE DEREITO**

Polos feitos anteriormente expostos, concorren as circunstancias dispostas no artigo 151 do TRLCSP para a adxudicación do presente contrato.

Por todo elo e en atención ao D. 18.6.2015 (BOP nº 160 de 14.7.2015), a Xunta de Goberno Local, adopta por unanimidade o seguinte

#### **ACORDO:**

**Primeiro.- ADXUDICAR** a contratación das ACTUACIÓNS ESTELARES E PRODUCCIÓN DOS ARTISTAS/GRUPO MUSICAL "JUAN PERRO" E "CELTAS CORTOS", NAS FESTAS PATRONAIS DE MONFORTE DE LEMOS OS DÍAS 15 E 16.8.2017 (EXP.019-SERVPN17) á empresa Musicsoft, S.L. con CIF. B27223270 e/r D. Alberto Gallardo Rodríguez con DNI.34.262.789-B, quen se obriga ao cumprimento do contrato por un importe de 42.700,00.-€ aos que habería que engadir 8.967,00.-€ (IVE 21%) o que supón un total ascendente de 51.667,00.-€ correspondendo 25.833,00.-€ con IVE a cada un dos artistas/grupo musical, que deberá cumprir con estrita suxeición aos pregos reitores da contratación e a oferta achegada.

**Segundo.-** O gasto poderá ser contabilizado con cargo á aplicación 338.226.99 do vixente orzamento xeral municipal.

**Terceiro.- COMUNICAR** ao adxudicatario que a formalización do contrato deberá efectuarse no máis tarde dos **QUINCE DÍAS HÁBILES** seguintes a aquel en que sexa recibida a presente notificación de adxudicación de conformidade co previsto no artigo 156 do TRLCSP e a cláusula 11ª do PCAP.

**Cuarto.- PUBLICAR** a presente adxudicación e formalización no Perfil do Contratante do Concello de Monforte de Lemos, cuxa dirección é [www.monfortedelemos.es](http://www.monfortedelemos.es), e notificalo aos licitadores o domicilio indicado polos mesmos, de conformidade co disposto na cláusula 11ª do PCAP. "

E para que así conste e coa salvedade prevista no artigo 206 do ROF, expido e asino a presente de orde e co visto e praxe do Sr. Alcalde, en Monforte de Lemos, a vinte e nove de maio de dous mil dezasete.

Vº e Pce.

O ALCALDE

